



OSA poslala dopis o mogućem napadu

SIPA provjerava nove terorističke prijetnje

Ministar sigurnosti Dragan Mektić ustvrdio da je dojava o prijetnji stigla od jedne partnerske službe iz regiona

Državna agencija za istrage i zaštitu (SIPA) zaprimila je informaciju od Obavještajno-sigurnosne agencije (OSA) BiH o mogućem novom terorističkom napadu na području BiH, potvrđeno je jučer iz ove agencije za „Dnevni avaz“.

Informaciju je SIPA prosljedila i drugim policijskim organima u BiH, nakon čega je u našoj državi proglašen najveći stepen pripravnosti.

- SIPA već u okviru svojih nadležnosti, u saradnji s lokalnim policijskim organima, preduzima odgovarajuće mjere i radnje na njihovoj provjeri i produblivanju - rekla nam je Kristina Jozić, portparol SIPA-e.

Dragan Mektić, ministar sigurnosti

Pojačana kontrola na granicama

Granična policija BiH provodi pojačane mjere kontrole na cijeloj granici BiH u skladu s pojačanim sigurnosnim mjerama u cijeloj zemlji, saopćeno je iz ove institucije. Po-

jačane mjere kontrole posebno se odnose na ulaz i izlaz iz BiH sigurnosno interesantnih osoba koje se dovode u vezu s teškim krivičnim djelima poput terorizma, ali i sve druge osobe koje se dovode u vezu s bilo kojom vrstom kriminala.

BiH, u subotu je izjavio da su bh. sigurnosne agencije dobile dojavu o novim prijetnjama terorističkim napadom u BiH. On je pojasnio da je dojava o prijetnji stigla od jedne partnerske službe iz regiona, a prema kojoj postoje indicije i obavještajni podatak o mogućnosti novog terorističkog napada na jedan objekt u BiH.

Prema njegovim riječima, poduzete su i sve mjere u vezi sa

sigurnošću objekta za koji je postojala određena informacija da bi mogao biti predmet napada, ali nije pojasnio o kojem se objektu radi niti o kojoj službi iz regiona.

I prilikom napada na Policijsku stanicu u Zvorniku postojala je određena informacija koja je podijeljena svim sigurnosnim agencijama u BiH, a ukazivala je na činjenicu da bi mogao biti počinjen određeni teroristički napad, ali se nije znalo gdje ni kada.

U napadu su ubijeni policajac Dragan Đurić te njegov napadač Nerđin Ibrić iz sela Sapna kod Zvornika. Tom prilikom ranjeni su policajci Željko Gajić i Stevo Milovanović. M. Aš.

SIPA:
duzimaju
određene
radnje